



14330

III Mag. St. D.

P

*Casimirus**Ab. Jacob. Cavar fatalis human  
in iure mors.*

PANEC. et VITAE

Polon. Fol.

№ 374.



M  
Pe

U  
Fa  
C  
ra

P  
P



# CASUS FATALIS

*Humano in fure.*

Mors nunquam satis ab Ordinibus Academicis deplenda  
*Perillustriſtis olim Clariffimi & Admodum Reverendi Domini*

**D. M. CASIMIRI  
JARMUNDOWICZ**

Utriuſq; Juris Doctoris & Profeſſoris, ejuſdemq;  
Facultatis Decani, Eccleſiarum; Collegiatæ SS. OO.  
Cracoviæ Cuſtodis, Parochialis in Luborzyca Cu-  
rati, Contubernii Starnigeliſiani & Jurisperitorum,  
tum Alumnatûs Roſzczewiani **PROVISORIS.**

In fundamento Virtutis & Sapientiæ  
atquè non interrupta Meritorum præſcriptione  
à peremptorio factorum Terminò,

**EXCEPTIBILIS.**

*& dum ei*

cum maximo Univerſitatis dolore

In Eccleſia Collegiatæ SS. OO. Cracoviæ 14330 III

juſta funeralia abſolverentur,

*à*

**M. ADALBERTO JOACHIMO  
FOLTANSKI,**

Philoſophiæ Doctore, Ejuſdemquè Regio ac Tyliciano Eloquentiæ  
Profeſſore, Collega Majore, Eccleſiæ Collegiatæ Sanctæ Annæ Cano-  
nico, ibidemq; Feſtorum Salvatoris & B. V. M. Concionatore.

*E voto*

Super jaçtura tanti Viri ingemiſcentis Academiæ  
venturæ Poſteritati

**PROPOSITUS**

Annò, poſt primum humani generis lapſum, Salutis  
1762. Die 12ma Menſis Maji.

CRACOVIAE. in Typographia Seminarii Episcopalis Academico-Diœceſani.



Nunquam exceptibilis est in Jure humano casus,  
alias à factorum lege hominū neminē esse exemptum.

Enimverò

Quot quot Viatores sumus,  
tot Juris humani debitores & evictores existimus.

Proinde

sive seriùs, sive ocyùs ad immortalitatis evocamur Forū,  
nemini fit præjudicium;

quia omnes illi tenemur parere juri,  
quod ex lato in omnes est desumptum statuto:

*cui contingit nasci restat mori.*

Sed quale mihi fundamentum,

*casibùs stare, morte vivere?*

Nonne commota est UNIVERSITAS nostra!  
dum cum ejus jactura ceciderunt Fulcra,  
Illi, Qui hucusq; os populi merentur PALASZOVII,  
Et domi, & foris,

de UNIVERSITATE optimè meriti  
nunquam satis memorandi ad gloriam  
PRINCIPIS CELSISSIMI,

*Illustrissimi, Reverendissimi, ac Excellentissimi Domini*

**D. CAIETANI SOLTYK**

*Episcopi Cracoviensis, Ducis Severiæ, Equitis Aquilæ Albæ,  
Universitatis nostræ*

**CANCELLARII, & PROTECTORIS** singularissimi;  
& intimi nuper **CONSILIARII,**

& Curiae Ejus Celsissimæ, **JUDICES** Surrogati,  
Juris & æquitatis amatores, **HERCII,**

**UNIVERSITATIS** nostræ *Statores,*

*Patres* emeritissimi **FILIPOVICH**

De





De Dioceſi hac,  
de Literis atq; Literatis,  
ſimulq; de Procerum Regni hujus favoribus,  
nunquam non bene meriti MAMCZYNII,  
quà domi, quà foris,  
pro Bono communi laborantes SALTSZEVII,  
aliiq; ſaſtis immortalibùs digni,  
rerum Academicarum  
ut olim, ſic & nuper Aſſertores maximi.  
Tantam tantorum Virorum jacturam,  
quo animo Academici ferant Ordines!  
vel ex ipsis, ſuper quibus, ceu in Nioben verſa,  
dolet ingemiscitq; UNIVERSITAS fatiſ,

*Perilluſtris olim Clariffimi*

M. CASIMIRI JARMUNDOWICZ  
Juris Utriuſq; DOCTORIS emeritiſſimi, &c.  
etiam hoc lugubri ſimulq; Parentali in Actu,  
ex compoſita ad triſtitiã omnium fronte,  
ex necdum terſis à lacrymis oculis,  
ex animis mentibusq;  
præ ingenti fatiſcentibus dolore,  
hic vel maxime conjicere & intelligere poteſt,  
qui Literarum & Literatorum  
communis hodie luctùs.

quovis jure & titulò, particeps eſt.  
*Si flere dicuntur ſuper ſauciato ſuo ſtipite palmites ;*  
Non ne Academicis ingemiſcendum Ordinibus !  
dum illis, caſu illoq; fatali,

*Primo nuper in Capite ,*  
lethale eſt inflictum vulnuſ.

Nempe

A 2

RE.



RECTOR Hic olim MAGNIFICUS;

*tertio sui finito peractoque; Rectoratu,*  
cum Magistratum, quem gloriosissime gessit,  
non modò in liberas Electorum deposuisset manus,  
verùm viribùs quantumvis fractus,  
publicum, publicæ Inaugurationis exornasset Actum,  
*intra breve aliquot dierum spatium,*  
fatalem, *jure in humano est expertus casum.*

O quomodo!

*in nunquam evitabili fatorum Foro,*  
*indies novi, etiam non prævisi emergunt casus!*

Quis unquam sperasset?  
ut sic subito Vir cecidisset Ille,  
per Quem toties suo stetit in esse Universitas.  
Sed non potuit cadere, ipsis superior fatiis,  
*Cui pietas & orthodoxa Religio,*  
quam non solum à suis Catholicis Parentibus,  
ipso cum lacte imbiberat,  
verùm etiam ab *Avis Atavisque;* naturali jure,  
sibi transfusam habuit,  
prima ad immortalitatem fundamenta jecit.

Ejus PROGENITOREM  
omni titulò dixissem majorem,  
ni suò sæculò parem Æsculapiis  
& Principes, & extra quamcunq; exceptionem  
Quibus, bene notus, familiarisq; fuerat  
ut testabantur, ita testari possent Viri  
JABLONOVII, KONIECPOLSCII, KORYCINII,  
BUDZINII,  
aliiq; in *Toga & Sago* bene meriti PROCERES.

Proinde

notis, tritisq; *Antecessorum suorum insistendo vestigiis,*  
indita



Indita sibi à benigniori natura talenta  
ne unquam pateretur sterilefcere,  
quæ ab antiquo est hoc in Regno ingeniorum Cultrix,  
Jagelonica hac Craci in Urbe nomen dedit Palladi.

Per omnes eruditi laboris procedendo vias,  
in Literaria arena nunquam stadiodromus fuit;

si aliis non præripuit palmam,  
procerto, nemini, porrexit herbam.

Binâ, in Philosophia redimitus Laureâ,  
eandem sanguineo irrigando sudore,  
velut sui in purpura atq; cortice  
non faciebat erubescere rosam.

Ex Logicalibus spinis Argumentosa apis,  
ad reficiendas studentium mentes,  
mel, & ipsum veritatis colligebat succum.  
Cessit Illi suavitatem oris Arpinas,  
vehementiam dictionis Demosthenes,  
varietatem sermonis Tullius,  
rerum naturalium peritiam Plinius,  
cognoscendæ veritatis rationem Aristoteles,  
styli ligati miram elegantiam Mantuanus Vates.

Aliàs

Philosophus, Orator & Poëta,  
ut à primis ætatis suæ igniculis,  
sic etiam, naturali deficiente fervore,  
semper, & ubiq; locorum celeberrimus fuit.

Vidit hæc Major Polonia

& ex utroq; agnovit Cæsarem.

Decennio in Academia Posnaniensi Professor

illam Percelebrem semper Coloniam.

& magnis suis exornavit promeritis,

& typis expressis, illustravit Lucubrationibus.

Quantâ VLADISLAUS & CASIMIRUS Poloniarû Reges,  
suo Præceptor CALLIMACHO testati sunt gratitudinē.

tantam & Illi mago Hironi

Illusterrimus olim & Excellentissimus Dominus.

B

VLA



# VLADISLAUS RADOMICKI.

## PALATINUS POSNANIENSIS.

Cujus educationi, prudentiæ, atq; fidelitati  
pignus *Domus suæ Illustrissimæ.*  
*Ipem Perantiquæ Familiae,*  
ad quævis maxima natam PROLEM suam commiserat,  
semper testatus est  
Vidit etenim magnorum Virorum perspicacissimus,  
quomodo genuinos *Aquilæ Sarmaticæ Pullos,*  
Sic ad *Scholasticum* erudiebat *Phæbum,*  
ut etiam *Serenissimos Honorum Soles*  
possent inconviva spectare palpebrâ.  
Magnus meritîs, & suis laboribus,  
ex *Majori* redux *Polonia,*  
in *Minori Collegio,*  
quod magnorum est Seminarium Virorum,  
*Ejus non modò vindicavit, resuscitavitq; Fura,*  
*verùm & conquistis munivit Documentis,*  
Verè sanguineo sudore  
*Decanalem* ad se allexit *Purpuram.*  
Fuit non modo in argumentando subtilis,  
sed simul in docendo explicandoq; clarus.  
Si in hoc Magistratu  
aliquis eum ignoraret PRINCIPEM  
ipsa, quam erga omnes gerebat, affabilitas,  
Illum quodammodo prodere videbatur.  
Hunc ut laboriosissimum PROFESSOREM  
sic & Vigilantissimum agnovit DIRECTOREM  
posnaniensis in *Majori Polonia, Colonia.*  
Et sicut in vinea hac Academica  
fidelis fuerat operarius  
sic ejus optimum gessit Patremfamilias,  
Judiciorum *Illustrissimi Posnaniensis Consistorii*  
consultissimus omni in Jure Assessor,  
quæ ad mentem *Legis Divinæ,*  
atq; *Sacrorum Canonum* dabat responsa,  
illa,



illa, tanquam oracula fuere,  
Librorum per Diæcesim Pofnaniensem  
SYNODALIS CENSOR  
non modo varia approbavit scripta,  
verum ipse multo plura annalibus ipsis  
reliquit inferenda,

*Quinquennis in UNIVERSITATE hac*  
Tylicianus Orator

sicut almae Matris fuit Corona

sic & Nobilissimo Auditori

scientiæ, honestatis, reliquerat fructus.

Et quoniam hi nulli factorum corruptioni subsunt  
ideò in offam Libitinæ cedere non possunt,  
Casum quidem humano in jure expertus fatalem.  
sed illum ubique locorum sidera versùs attollit  
& nota omnibus eruditio, & erudita virtus.

Nacta est sui non casu aliquo Maronem  
Illustrissima RADOMICCIORUM Domus,  
cùm quæ nuper fors Palatinalis Honoris  
in Illustrissimum olim ac Excellentissimum Dominum  
MATHIAM RADOMICKI

vissa est cecidisse;

illam lucubratione sua Academica  
& exornavit, & illustravit publica in luce.

In primo Majori in Polonia Præfecturæ aditu

*Trajanum post Nervam*

veneratus quàm solennissimè

Illustrissimum & Excellentissimum Dominum

JOANNEM PRZEBENDOWSKI

Thesaurarium Regni,

hinc & erga se, & Academicas Musas  
singularem est lucratus benevolentiam,

Ejusdem Authoritatis & Jurisdictionis  
capeffenti Fasces

LUDOVICO SZOLDRSKI

Academicarum Musarum Protectorum maximo

Ba

Nava



*Navalem Coronam*  
officiosissimo dum contulerat cultu  
sua perennis gloria reperierat portum.  
Est ejus immortalis Nominis Lucerna  
*Agnus Szaniavius.*  
humi serpere non sinunt  
super Vaticanis collibus elevata  
Rastræ Lipsiana  
Ejus eruditionem solidam,  
in arte Oratoria peritiam  
æquè magnis Nominibus dicata  
Panegyrica Typis mandata loquuntur opera,  
uti

*Illustrissimo & Reverendissimo Domino*  
**ADAMO PONINSKI**

*Episcopo Aranensi Suffraganeo Posnaniensi*  
sub titulo Felix Navigium.

**FRANCISCO KAZNOWSKI**

*Episcopo Domitropolitano*  
*Suffraganeo & Officiali Posnaniensi,*  
*Rationale Pontificum.*

**JOANNI ZYWERT**

**Canonico Sandomirienſi Conſiſtorii Generalis Cracovi-**  
**enſis actuario NOTARIO**

*Protocolum virtutum & meritorum.*

**JOANNI KRALL**

*Canonico Cathedrali Posnaniensi*  
*Paragraphus Glorie.*

**ANTONIO LUKOMSKI**

*Abbati Landensi*  
*Fundatio Ecclesiæ Landensis.*

*Calamô & ingeniô felix*

*Illustrissimo & Excellentissimo Domino*

**GASPARO MODLIBOWSKI**

*Castellano Mederecensi*

**cum SOPHIA de RADOMICIIS.**

**DEMETRIO JABLONOWSKI**

*cum*



cum CATHARINA de SZEMBECCIS  
in auspiciatissimo Orbi Polono Hymenæo

etiam Patriâ Musâ

plausibus addidit plausus.

*Pro innato semper Academicis candore*

*erga suos Principes & Protectores*

Serenissimum ac Inviictissimum

nobis usq; hodiè felicissimè regnantem

AUGUSTUM III.

Poloniarum Regem

Panegyrico cultu exceperat.

*Et sicut laudari à Regibus & Principibus*

*non vulgaris aliqua laus dicitur,*

sic laudare Reges & Principes

unicuiq; plusquàm ad gloriam.

Consultissimæ Juridicæ incorporatus Facultati

semper quæ pro juribus sunt agenda

fecit, egitq; strenuissimè.

Juris Utriusq;

emeritissimus DOCTOR,

illa ex Cathedra proferebat effata,

quæ intra legum volumina, intra protocolla & pandectas

non modò vidit, sed vix quando aliquis legit.

Jam à SACRA NUNTIATURA,

jam ex Illustrissimo Cracoviensi OFFICIO

in arduis persæpe Diæceseos

delegatus Commissarius & Arbiter,

quidquid definivit, conclusitq;

pro legum qua pollebat notitia

nil unquam justî æquiquè excessit regulam.

Universitatis Cracoviensis RECTOR olim *Magnificus,*

Huic Almæ scientiarum MATRI

Talis in *Ejus* senio provissus fuit Pater.

Qualem & Regnum Literarium,

ad sui integritatem videbatur exposcere,

& Regia desiderare Sceptra,

*Non modo præfuit, sed & plurimum profuit,*

C

Ja-



Jagelonis hac Craci in Urbe Musis;  
Quas semper candore notabiles  
non fucata, aut ad speciem eruditione conspicuas  
ut nuper per editam sui *Propugnationem*  
firmissimâs utroq; ex Jure roboratam rationibûs  
ab illorum voluit vindicare impetitione,  
qui in aliorum messem  
suam satagunt immittere falcem,  
sic UNIVERSITATIS Legum & Jurium  
primus factus ASSERTOR,  
pro illis hucusq; zelavit dexterrimè,  
donec fatali Jure in humano casu  
ad immortalitatis fuerit evocatus Forum.  
Ultra *quadraginta annorum spatium*  
in UNIVERSITATE hac  
DOCTOR & PROFESSOR meritissimus  
Ultra *quaternaria temporis lustra*  
in Ecclesia CATHEDRALI Cracoviensi  
*Festorum Salvatoris & B.V. Mariæ*  
CONCIONATOR Zelosissimus;  
prout ACADEMIAM doctis  
ita ECCLESIAM sacris cumulavit laboribûs,  
Auxit suis meritâs utriusq; gloriam *vivus*,  
etiam jure naturali hoc sibi debuit promereri *extinctus*,  
ut hoc fatali Jure in humano casu  
utramq; ad communicationem doloris publici  
haberet sociam.  
Apertis iam luget oculis  
suum utroq; in Jure peritissimum DOCTOREM  
ac si in sinu Ejus enutrita Diva Themis,  
Quem extra Atheniensium Areopagum  
Alterum habuit Solonem.  
Descent non modò eruditorum  
in UNIVERSITATE Cathedrâ,  
verum & Ecclesiasticâ  
in Divorum Ædibus Exedrâ  
quas eruditione sua



& sacris sermonibus  
 ad æterni Numinis Gloriam,  
 ad Academici Nominis Commendationem  
 semper ornaverat.  
 sed maximè  
 inflicto Tibi vulnus  
 Stans sub Sceptra Cruce, dolorosa  
 Alma scientiarum MATER  
 UNIVERSITAS  
 dum post Illos  
 Qui Tui in adversis Defensores fuere  
 NAYMANOVICIOS, JODLOVIVOS,  
 Utriusq; Juris DOCTORES & PROFESSORES  
 MARKIEVIVOS, VADOVIVOS  
 MAKOWSCIOS & nuper FILIPOVIVOS  
 Orbis Academici SUCCOLLATORES,  
 fatali, humano in Jure, casu  
 post *Atlantes* amisisti *Herculem*.  
 Sustentabat Te  
 quantumvis lassatis humeris  
 ad ipsam enervationem virium,  
 Jam quidem  
 à factorum violentia impetitus  
 cecidit,  
 sed velut *Anthæus*  
 ut à casu fortior surgeret,  
 hic fatalis Jure in humano casus  
 quoniam à peremptorio  
 Legis communis *Termino*  
 non est exceptibilis  
 ad illum non aliter respondere possumus,  
 nisi, quæ pondera vocis habent, lachrymâs  
 Nec mirum  
 quod non modo  
 Universis Academici Ordines  
 non aliter hunc Actum lugubrem  
 nisi  
 perfusi lachrymis



celebrent,  
sed etiam vos  
hic fatalis Ejus casus  
usq; ad divisionem animarum perstringit  
*Illustres Clarissimi & Admodum Reverendi Domini*  
**M. ANDREA LIPIEWICZ**  
Ecclesiæ Collegiatae SS; OO;  
CANCELLARIE.

**M. STANISLAE FICZKIEWICZ**  
Ejusdem Ecclesiæ Collegiatae Canonice,  
Utriusq; Juris PROFESSORES  
& COLLEGÆ JURIDICI,  
Ultimæ Ejus voluntatis  
EXECUTORES Integerrimi.

Ardor ille amorq;  
qui erga *vivum* in vobis fuerat,  
non videtur in *extinctum* minutus.  
Ut nuper *superstitis* complexi estis amores,  
sic hodie super *defuncto* comprehenditis dolores.  
Redditis ultima officia

& gratitudinis & humanitatis, Illi  
Quem semper & habuistis & amastis ut PATREM.

Quasi unâ omnes deplorant pupillâ  
**ACADEMICI ORDINES**  
extinctum sibi in Literario Orbe Lumen;  
profusas tamen ab oculis lachrymas  
hoc solum temperat,

quod casus hic licetsi non possit Jure in humano  
esse exceptibilis,  
tamen in fundamento Sapientiæ & meritorum,  
à factorum lege  
omnem meretur

**EXCEPTIONEM.**



BIBLIOTH. UNIV.



UNIVERSITATIS GELLONICAE

IX/X. 26



Biblioteka Jagiellońska



stdr0024716



